

可紀數矣故物生於三則各稟其血氣而既負其陰又抱其陽陰陽交會無所為知識乖侮變詐也渾然寂然不過冲氣以為和而已矣冲即冲漠之冲冲漠之氣不滯於無不滯於有自然而然非和而何

人之所惡惟孤寡不穀一無偶眾人之所忌而王公以為稱自處謙柔

又曰孤寡不穀微詞也賤且小者也言性既冲氣以為和則可小可賤而無庸高自貴大矣乃庸眾不識是性而偏惡夫賤且小者嗟乎何不思之甚乎彼孤寡不穀之稱非賤且小者耶而王公大人曷為以之自稱耶

故物或損之而益引之不得去弱用強或益之而損推之必還去剛為柔人之所教

道藏輯要

道德經解

卷一 心集一

無一亦無二我亦教之唯道而已強梁者不得其死好勝常逢敵亡吾將以為教

不善善父人之資

又曰凡此者蓋以道尚夫損故也然損之又損以至於無可損則勢必轉而益迨益之又益以至於無可益勢又將轉而損損益之道盈虛之道即有無之道也識得此道則與眾何好亦與眾何惡人教之吾亦從而教之矣和光同塵可也倘舍柔而務剛是強梁也強梁者乖侮是居尚得其死也乎故惟是道虛而不盈無而不自損而不益柔而不剛吾將籍之以為立教之祖焉父音甫祖也

天下之至柔大道虛無有用馳騁天下之至堅軟能勝堅無有入無間貫金透石

吾是以知無為之有益契以無
瑤華帝君注曰堅即剛也堅與柔有與無各相對待故柔者堅之反無者有之反夫人而知之也而用之則有道倘不知柔能克堅而遇剛仍以剛克其不折而傲者少矣惟舉至柔者以馳騁乎至堅則堅既不損柔亦不靡何克如之且或不知無能生有而以有捍有其不至紛而亂者鮮矣惟根至無者以趨夫有則無不終無有不終有而無未嘗勞有未嘗覺有無相生斯稱無間則可知道總歸本於無無為斯以有益也

道藏輯要

道德經解

垂

心集一

不言之教默識潛通

無為之益為學日益為道日損

天下希及之民鮮久矣

又曰總之道本立於無形而非有所作為運於無聲而非有所昭示而不聲者若提其耳不形者若策其躬是所謂不言之教無為之益也聖人行之而天下卒希有及之者矣中庸謂惟聖者能之其斯之謂乎

立戒章第四十四

名與身孰親名遂身退

身與貨孰多利多害已

得與亡孰病得寵思辱

瑤華帝君注曰此名字即榮名之名不作可名之名解言榮名雖可慕而或不自重其身以弋浮名是先失其身久必並其名而亦失之從可知身重而名輕也故曰名與身孰親擁